

آبونه شرائطی : هریر ایچون
سنه لکی (۲۷۵) آلتی آیلانی
(۱۵۰) خار ج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآزاده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خواننده

اخطارات
آبونه بدلی پشیندر .

مسلمه موافق آثار مع الممنونیه
قبول اولنور . درج ایدله یین
یازیلر اعاده اولنلاز .

المکتبہ المصلحہ

آدرس تبدیلنده آریجه
۵ غروش کوندرملیدر .

مکتوبلرک امضالری واضح
و اوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرس لریک
فرانسزجه یازلسی رجا اولنور .

پاره کوندردلیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

باشلامه مراسمده ، اطفالی ، اولیای اطفالی علم و ادبه تشویق و ترغیب کی برغایه بجهلده واردر .

کچنلرده یازلدینی اوزره تشبثات مقبوله - سیه مملکت مزده تربیه ملیه نك بالواسطه انكشافه سنلردن بری حصر وجود ایدن احتفال ملی هیئت رئیسی محمد ضیا بک کریم سی خانمک ، طرز و الموب قیم اوزره و بر ایکی صبیان مکته طالبات و طلبه سنك اشتراک لریله بدأ بسمله و آمین مراسمی اجرا ایدلمشدر . بومراسمک تطبیق و اجرا سنده تمامیه اسکی عات احیا ایدلمشدر .

همان همزك اونوتدینی صیرمه لی جزؤ کیسه سیه ، مذهب الفبا رساله سی ایله ، آلتون هلالیه ، باشده کرانها تاجیه ، قیمتدار صدقی رحله سیه ، یاصدیغیه مکته باشلایان معصومک اطرافه طوپلانان و آمین دین چوجقارک وجوده کتیردیکی کتله حقیقه محتمم برموک تشکیل ایدیوردی . شو قافله معصومانه نك حزن و رقیق صوت وادارله وطنی نشیده لر ، تغیلر ، خواجه اقدینک سلامت دین و ملت و دولت ایچون او قودینی دعایه آمین خوان اول لری حقیقه موجب فخر و ابتهاج اوله حق الواح کزیده دن ایدی .

بو محتمم مراسمی اتمام ایتک اوزره ، نیجه فضلا و عرفایه مقر و مأوی اولان غلطه مولو بخانه سنده عین مقصدله اجر ایدیلن بو مراسم بک مهیج اولدی . بخوردانلردن انتشار ایدن لطیف قوقولرا آره سنده بعد الصلوة مقام ارشادک اوکته وضع ایدیلن رخله و مندره اولورمق اوزره ، ایکی درویشک دلالیه سماعخانه کتیریلن معصومک بسمله به بدأ ، مشایخ مولویه ایچنده عرفان و فضیلت و وقاریله متعارف اولان شیخ جلال الدین اقدینک بک بایغ ارتجالی دعاسی حقیقه علوی برلوحه تشکیل ایدیوردی . بومراسم متیمنده آداب مولویه نك بوتون ارکانی و زاهقی نمایان اولویوردی . بوسیه حسنا یله معصوملر و ددکان ، محبان اطعام و شربت لره اغزاز و تطیب ایدلمشدر . جناب حق معصومه ذهن آچیقانی احسان بیورسون .

« اقام »

قطع مناسبات

ایتالیانلرله سنوسیلرک انقطاع مناسباتی

صوک پوسته ایله کلن مصرک (الاخبار) رفیق مزده او قودیمزده کوره طرابلس و برقه امیری السید محمد ادریس السنوسی ، ایتالیا فوق العاده

مرخصندن آلدینی بر مکتوبده کندیسنک « نقض عهدده دوام ایتدیکندن و طرابلس ضرب عاصیلریله خفی انتلافلر عقد و ایتالیا نك (لیدیا) اوزرنده کی حق استعماری سلب ایلدیکندن » ایتالیا حکومتک کندیسیه عقد ایتدیکی بوتون انتلافنامه لری فسخ ایلدیکنی بیان ایلشدر .

طرابلس و برقه امیری سید ادریس سنوسی ایتالیا حکومتک تبلیغی سرابا پتان و افترا دن عبارت عدا ایلدیکندن و ایتالیا نك نوطه سنده وارد اولان نقض عهد اتهام لری تصریح اولونمادیکندن ایتالیا حکومتک افترا لری رد ایتک و اصل ایتالیا نك درمیان ایتدیکی مواعیدک کافه سی اونوته بق یالکیز قوته استناداً خلقت آرزوسنه قاشی کلدیکی و حرب عمومی ایتاسنده وقوع بولان بوتون تعهداتی زیر و زبر ایلدیکنی اثبات ایتک اوزره مفصل بر نوطه ایله جواب ویرمشدر .

اساساً ایتالیا ، طرابلس غرب و برقه ده یاشایان قبائلک دین ، لسان ، عادت ، نسب اعتباریه متحد اولدینی نظر اعتباره آلمیه رقی برقه یی طرابلسدن آییرمق و بوضورتله استعماری هدف لری ده قولا یلقه تحق ایتدیرمک ایسته مشدر . اهالی بو وضعیتی هیچ بر وقت قبول ایله قارشیلانماش ، چونکه ایتالیا مأورلرینک مظالمی درجه قصوایه بالغ اولمش و شکایتلر توالی ایلشدر . بوندن باشقه طرابلس غرب طرفنده ایتالیا نكله اهالی آره سنده مجادلات دوام ایتکده اولدیکندن ایتالیا نكلر بوجادلاته خقام ویرمک ایسته مشلر و سید سنوسی به مراجعت ایدرک محاربه یی طور دیرمه توسط ایتمه سی رجا ایلشدر . مشارالیه بو توسط قبول ایتمش و بالقیجه محاربه طور دش ایسه ده ایتالیا نكلر بو فرصتی غنیمت بیه لک بوتون قوتلریله صربلرک اوزرینه یوکه نمشدر ، حال بوکه ایتالیا نكلر امیر مشارالیه فکر لری نظر اعتباره آلمیه یی و وضعیتی تسکین ایتیه یی وعد ایتشدر .

سید محمد ادریس بوتون بو حقائق نوطه سنده بسط ایتدکن باشقه ایتالیا نك عربلری احما ایتیه یی استهداف ایتدیکنی و بوتون وسائط جهنمییه سی بو وادیده قوللاندینی و ایتالیا نك نامنه تاریخده الک چیرکین بر صحنه یی قید ایلدیکنی ، بو حرکات ایتالیا نك بر کیمسه یی اداره یه مقتدر اولامادینی اثبات ایتدیکنی بیان ایتشدر .

سید محمد ادریسک بونوطه سی ایتالیا یه کوندلش ، فقط هنوز وضعیت آکلا شیلما مشدر .